

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 404046 21 St
Tuzla, 19.12.2022.godine

Općinski sud u Tuzli, stečajni sudija Antonela Đaković, u stečajnom postupku nad stečajnim dužnikom „**DIDONA**“ d.o.o. za proizvodnju, promet i usluge Tuzla, ul. 4. Aprila br. 37, koje u svom sastavu ima podružnice pod nazivom: 1. „DIDONA“ d.o.o. za proizvodnju, promet i usluge Tuzla, Podružnica Srebrenik, Uroža bb, i 2. „DIDONA“ d.o.o. za proizvodnju, promet i usluge Tuzla, Poslovna jedinica Teočak, Centar bb Teočak, nakon provedenog stečajnog postupka donio je dana 19.12.2022. godine sljedeće:

RJEŠENJE

ZAKLJUČUJE SE stečajni postupak nad imovinom dužnika DIDONA“ d.o.o. za proizvodnju, promet i usluge Tuzla, ul. 4. Aprila br. 37, koje u svom sastavu ima podružnice pod nazivom: 1. „DIDONA“ d.o.o. za proizvodnju, promet i usluge Tuzla, Podružnica Srebrenik, Uroža bb, i 2. „DIDONA“ d.o.o. za proizvodnju, promet i usluge Tuzla, Poslovna jedinica Teočak, Centar bb Teočak, MBS: 32-01-0316-14 (stari broj: 1-14081), JIB:4210162330003, broj glavnog računa:16100001212290072 otvoren kod Raiffeisen bank BiH d.d. Sarajevo,zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljeno u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavljeno FIA-i.

Obavještavaju se stečajni dužnik,stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

Dana 05.07.2021.godine, predlagač „DINO“ d.o.o. u stečaju je podnio prijedlog za otvaranje stečajnog postupka nad privrednim društvom „DIDONA“ d.o.o. Tuzla iz razloga platežne nesposobnosti, jer navedeni pravni subjekt od 2017.godine ne obavlja poslovnu djelatnost i ne izmiruje svoje zakonom propisane obaveze. Rješenjem suda od 24.03.2022. godine otvoren je stečajni postupak nad imovinom dužnika „DIDONA“ d.o.o. za proizvodnju, promet i usluge Tuzla, ul. 4. Aprila br. 37, a za stečajnog upravnika imenovana je Maja Musemić iz Tuzle.Tokom postupka utvrđeno je da stečajni dužnik nema slobodne imovine osim pokretne imovine (mašina za šivenje) na kojima postoji razlučno pravo povjerioca MKD Mikrofin d.o.o. Banja Luka.

U postupku ispitivanja prijava potraživanja ukupno je priznato 95.890,31 KM, od čega se iznos od 38.923,53 KM odnosi na potraživanja razlučnog povjerica, iznos od 56.752,25 KM odnosi na opći isplatni red, a iznos od 214,53 KM na niži isplatni red. Osporenih prijava potraživanja nije bilo. Potraživanja razlučnog prava odnose se na povjerioca MKD Mikrofin d.o.o. Banja Luka, a potraživanja općeg isplatnog reda odnose se na povjerioce Porezna uprava F BiH KPU Tuzla, Uprava za indirektno oporezivanje BH RC Tuzla, Raiffeisen bank d.d., MF Banka a.d. Banja Luka. U toku stečajnog postupka nije bilo sredstava ni za djelimično namirenje

povjerilaca općeg isplatnog reda, a nakon unovčavanja pokretne imovine razlučni povjerilac je namiren u iznosu od 1.913,54 KM.

Na izvještajnom ročištu (Skupštini povjerilaca) održanom dana 03.11.2022.godine stečajni upravnik je podnio izvještaj o ekonomskom stanju stečajnog dužnika, te je utvrđeno da stečajni dužnik nema imovine iz kojeg bi se mogla namiriti potraživanja povjerilaca. Stečajni upravnik je predložio da se postupi u skladu sa odredbama 196. Zakona o stečaju i postupak zaključi zbog nedostatka stečajne mase, obzirom da društvo nema imovine koja bi služila za namirenje povjerilaca i troškova postupka, a postojeća stečajna masa nije dovoljna ni za pokriće troškova stečajnog postupka.

Skupština je usvojila prijedlog stečajnog upravnika za zaključenje stečajnog postupka zbog nedostatka stečajne mase.

Provođeci aktivnosti a u svrhu zaključenja stečajnog postupka sud je temeljem odredbe čl. 102. točka 7. u vezi sa članom 196. Zakona o stečaju dana 03.11.2022.godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 10.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 91/22 dana 16.11.2022. godine, a na oglasnoj ploči dana 04.11.2022. godine.

Kako ni jedan od povjeritelja nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

STEČAJNI SUDIJA
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.